

**PREACORDO ENTRE A CONSELLERÍA DE EDUCACIÓN E ORDENACIÓN UNIVERSITARIA, AS ORGANIZACIÓNS PATRONAIS E AS ORGANIZACIÓNS SINDICAIS DA ENSINANZA PRIVADA CONCERTADA DA COMUNIDADE AUTÓNOMA DE GALICIA, SOBRE CONDICIÓNS LABORAIS PARA OS ANOS 2008, 2009 E 2010, E A CALIDADE DO ENSINO.**

Reunidas as partes mencionadas ás        horas do día        de xaneiro de 2008 na Consellería de Educación, en Santiago de Compostela, e tras unha serie de reunións previas, deciden subscribir o presente preacordo.

A Lei Orgánica 2/2006, de 3 de maio, de Educación, no seu artigo 117, apartado 4 establece que se posibilitará a equiparación gradual da remuneración do persoal docente do ensino privado concertado coa do profesorado público das respectivas etapas. Neste senso, a Consellería de Educación e Ordenación Universitaria e as Organizacións Patronais e Sindicais da ensinanza privada concertada consideran oportuno dar pasos para camiñar cara á citada equiparación.

Por outra banda, o citado artigo no seu apartado 7 establece a posibilidade de establecer medidas para os centros privados concertados que escolaricen alumnos con necesidade específica de apoio educativo en proporción maior á establecida con carácter xeral ou para a zona en que se localicen. Por este motivo se establecen no presente preacordo medidas relacionadas coas unidades de educación especial e con centros que escolaricen alumnos con necesidades educativas especiais, que supoñan unha mellora na calidade do ensino destes alumnos e alumnas.

Tendo en conta o anterior, este preacordo conta coas seguintes

## CLÁUSULAS:

### Primeira

O presente preacordo será de aplicación ao profesorado en pago delegado e aos centros docentes privados concertados da Comunidade Autónoma de Galicia a partires das datas sinaladas en cada caso e ata decembro de 2010.

### Segunda

Acórdase facer fronte por parte da Consellería de Educación e Ordenación Universitaria ao pago dos **atrasos do ano 2006**, derivados do incremento do módulo estatal por enriba do previsto pola Comunidade Autónoma Galega para ese ano.

### Terceira

Con carácter xeral as nóminas do profesorado en pago delegado experimentarán **os seguintes incrementos nos anos 2008, 2009 e 2010**: por unha parte á subida que marquen os orzamentos do estado nos módulos correspondentes, por outra parte un incremento interanual do 2% no Complemento Retributivo da Comunidade Autónoma (CRCA) e ademais **os incrementos de 60 € brutos mensuais (14 pagas) no ano 2008, de 30 € brutos mensuais no ano 2009 e de outros 30 € brutos mensuais no ano 2010** para todo o profesorado en pago delegado e xornada completa. Este último incremento será reducido proporcionalmente no caso de que o profesorado implicado non complete horario de traballo en pago delegado.

En todo caso, o CRCA do profesorado licenciado do primeiro ciclo da ESO será axustado de xeito que o salario deste profesorado non supere ao do profesorado licenciado do segundo ciclo da ESO. Para este fin constituirase una

comisión de seguimento deste acordo que determinará o CRCA do profesorado licenciado do primeiro ciclo da ESO.

#### **Cuarta**

As ratios máximas profesor/unidade serán, coa vixencia indicada en cada caso, as seguintes:

- **Educación Infantil:** Tramitarase no primeiro trimestre do ano 2008 unha ratio de **1,04** que será efectiva trala aprobación polo Consello da Xunta e publicación no DOG e sen carácter retroactivo. A partir do 1 de setembro de 2008 a ratio para este nivel educativo será de **1,08**. As novas ratios supoñen un incremento de 0,04 e 0,08 puntos respectivamente.
- **Educación Primaria:** Tramitarase no primeiro trimestre do ano 2008 unha ratio de **1,40** para centros de ata 6 unidades de primaria (incluídos os de 6) que será efectiva trala aprobación polo Consello da Xunta e publicación no DOG e sen carácter retroactivo. Mantense a ratio de 1,36 para o resto de centros. A nova ratio supón un incremento de 0,04 puntos para os centros citados.
- **Educación secundaria:** A nova ratio será de **1,56** para centros de ata 4 unidades de ESO (incluídos os de 4) a partir do 1 de setembro de 2008. Mantense a ratio de 1,52 para o resto de centros. A nova ratio supón un incremento de 0,04 puntos para os centros citados.
- **Educación Especial:** Tramitarase no primeiro trimestre do ano 2008 unha ratio de **1,08** que será efectiva trala aprobación polo Consello da Xunta e publicación no DOG e sen carácter retroactivo. A partir do 1 de setembro de 2008 a ratio para este nivel educativo será de **1,12**. As novas ratios supoñen un incremento de 0,08 e 0,12 puntos respectivamente.

Ademais iguálase o complemento do módulo de persoal complementario de autistas ou alumnado con problemas graves de personalidade ao de plurideficientes.

A modificación das ratios indicadas está supeditada a que por parte da patronal se tomen as medidas oportunas **para que, dentro da xornada do persoal docente, as actividades lectivas do profesorado se reduzan a un máximo de 24 horas lectivas semanais.**

#### **Quinta**

Para o caso dos centros que escolaricen alumnos con necesidades educativas especiais (segundo o establecido no artigo 73 da Lei 2/2006 do 3 de maio: *“aque/ que requira, por un periodo da súa escolarización ou ao longo de toda ela, determinados apoios e atencións educativas específicas derivadas de discapacidade ou trastornos graves de conducta”*) destinarase un máximo de **300.000 € en cada un dos anos 2008, 2009 e 2010** para empregar en medidas de atención á diversidade (modificación puntual de ratios, contratación de cuidador/a, etc...). O procedemento e os criterios para a dotación destes recursos adicionais desenvolveranse nunha orde específica, que se levará previamente á Comisión Tripartita do Ensino Concertado.

#### **Sexta**

A administración comprométese a revisar o presente preacordo non máis tarde do mes de setembro de 2010, mediante a convocatoria da Comisión Tripartita do Ensino Privado Concertado coa finalidade, entre outras, de avanzar no proceso de homologación.

### **Sétima**

As organizacións patronais comprométense a realizar a desagregación da partida de “outros gastos”, de xeito que permita un incremento diferenciado que repercuta no salario dos P.A.S.

### **Disposición adicional única**

A eficacia deste preacordo queda supeditada á tramitación legalmente necesaria e, en concreto, á autorización polo Consello da Xunta.

Santiago de Compostela, de xaneiro de 2008

**POLA CONSELLERÍA DE EDUCACIÓN E ORDENACIÓN UNIVERSITARIA,  
A CONSELLEIRA DE ORDENACIÓN E INNOVACIÓN EDUCATIVA,**

Asdo.: Laura Sánchez Piñón

**POLAS ORGANIZACIÓNS PATRONAIS**

**ACES-GALICIA**

**CECE**

**Educación e Xestión**

Asdo: Olga Amoedo Cabrera

Asdo: José Manuel Álvarez Fdez

Asdo: José Luis Baños González

## POLAS ORGANIZACIÓNS SINDICAIS

**FSIE**

**FETE-UGT**

**CCOO**

Asdo: Armindo Francisco Mera

**USO**

Asdo: Mariano García González

**CIG**

Asdo: Xosé Marcial Comesaña Figueiras

Asdo: Isidro A. Amoedo Rodríguez

Asdo: F. X. Anxo Louzao Rodríguez